

MEDULLA CHYMIÆ,

Variis Experimentis aucta, mul-
tisq; Figuris illustrata.

Hhh. 234

L. H. A U T H O R E 24.33
JOHANNES FRANCISCO VIGANI
Veronensi.

Namq; eadem coelum, mare, terras, flumina, solem
Constituunt; eadem fruges, arbuta, animantes;
Verum aliis, alioq; modo commista moventur.

Lucret. lib. I.



L O N D I N I,

Impensis *Henrici Faithorne, & Joannis
Kersey* ad insigne Rosæ in Cæmeterio D. Pauli.
MDC LXXXIII.

MEDULLA

HYMNE

1811



693. 09

Excellentissimis Nobilissimisque

V I R I S,

*Tàm re, quàm nomine verè
magnis,*

GUILIELMO

Comiti DEVONIÆ

PHILIPPO

Comiti CHESTERFIELD,

T H O M Æ

Vicecomiti FAUCONBERG,

*Hanc suam Medullam Chymicæ gra-
titudinis ergo humillimè
D. D. D.*

Johannes Franciscus Viganì.

Excellentissima Nobilissima

V I R I S

Tam re quam nomine vero
magis

GUILLELMO

Comiti DEVONIE

PETERO

Comiti WESTMARE

THOMAE

Nicomachii MARCHE

Mariae de

de

de

de

Epistola quondam conscri-
pta ab Amico Londi-
nensi ad Authorem com-
morantem in Oppido
Newark super Trent.

Domine Vigani

L Iteras tuas suavissimas in de-
liciis, & sinu semper habeo,
amicitiam enim tuam, & com-
mercium magni æstimo, & im-
mortaliter æstimabo; non me-
diocriter gaudeo, te inter oria
ruris Chymicis operationibus
gnaviter incumbere, artemque
colere, humano generi adeò sa-
lutarem, & fructuosam, nullo
ferè opere vel à naturâ, vel ar-
te perfici solito sine quâdam mix-

turâ Chymiaë; mihi enim mundi machinam pervolventi nihil apparet præter unio, & separatio Atomorum circulantium secundùm leges, & principia illis impressa ab omnipotenti Creatore, undè ars illa, quæ has catholicas & feracissimas naturæ operationes imitatur, in omni ævo meruit, & habuit quosdam eximios, & illustres viros, ut Fautores, & Patronos; & in hoc nostro suis non caret Mecænatibus. Non possum non vehementer lætari, à literis tuis, & famâ audire, *tuam Medullam Chymiaë* (libellum mole parvum, verùm totum, ut opinor, Medulla Scatentem) in *Italiâ*, *Hispaniâ*, *Galliâ*, & *Germaniâ* generatam; in *Hollandiâ* natam, & in lucem primò editam, nunc in *Angliâ* gravidam esse, & apud nos parituram sætum perfectissimum, tibi que simillimum; hominem te patientem, vel potius durum

durum, ac panè crudelem existimabit literatus orbis, qui tanta arcana adhuc teneas, quanta lucem, lucrum, & salutem ferant miseris mortalibus, nil ferè præter ignorantiam suam adhuc scientibus, vix enim in corpore sapiet unquàm humana mens; quousque igitur & tibi, & nobis invidebis? tibi maximam laudem, nobis voluptatem. Utinam tuæ novæ editioni adjungeres descriptiones, & figuras tuorum furnorum, vasorumque, ad vivum sculptas, simul cum illis tibi, & mihi olim communicatis ab ingeniosissimo nostro amico D. Troutbeck, viro mirum in modum sagaci, & in Chymiâ peritissimo, in quâ Tachenio suo, si non major, non minor est, sint ergò pares, & duo Fratres. Tu, mi Vigani, sine luto, sine ferro, sine sumptu, aut labore fingis fornaces tuas; Opus sanè Dædaleum, in-

genio tuo *Architectonico*, veréq;
Italico dignum; sed quod magis
tibi laudi sit, à crypticâ illâ, &
Hieroglyphicâ scribendi metho-
do, Chymicis nimis familiari,
penitus abhorres; nec principia,
aut dogmata Chymica tam tena-
citer amplecteris, quin in *Boylæana* Castra haud invitus trans-
ibis, ubi omnia ad incudem re-
vocantur, & severo cum judicio,
summoque acumine mechanicè
examinantur; O beatam illam
Rempublicam, plusquam *Uto-
pianam*, verè *Platonicam*, ubi
Philosophi sunt Mechanici, vel
Mechanici Philosophi, vix enim
est aliquid utile in rerum natu-
râ hominibus certò cognitum,
quod non ab experimentalis in-
dustriâ effluxit; sit æterna laus
nostræ *Regiæ Societati*, (fundatæ
ab *Augustissimo Carolo Secundo*,
Principe verè Philosophico, verè
magno, diisq; simillimo;) illa
non

non fingit, aut excogitat, sed invenit quid natura faciat, aut ferat; *Studia Mathematica, Physica, Anatomica, Chymica, Botanica, Colonica*; & omne genus naturalis literaturæ vitam, & animam hauserunt ab hoc divino *Philosophorum* Senatu, nec *Italicæ, Gallicæ, Germanicæ, & Danicæ* Societates suis defuere auxiliis; *Veniet tamen tempus, quo ista, quæ nunc latent, in lucem dies extrahat, & longioris ævi diligentia*; ringat illud ignavum pecus, veteri superstitione, & lethargico quodam torpore adeò conspurcatum, ut mallent cum turbâ errare, & somniare, quàm cum laboris, ærisque impendio privatim sapere.

Gratias tibi habeo ob interpretandum mihi Italicum Idioma libri a *Patre Bartola* conscripti de *Conglaciatione & Coagulatione*, qui mihi videtur esse grumus
frag-

fragmentorum fat elaboratus, at pace dicam hujus fumivenduli Sacrificuli, quòd in iis locis, ubi illibatam *Boylæi* famam malè tractat, ejusque scripta distorquet, (præsertim de vacuo) non agit Philosophum, sed potiùs rabulam, & blateronem, cerevisiali vappâ temulentum; illic venditat suas nugas, & deliria Jesuitica, minimè digna expertissimo, & victrici calamo *Boylæi*, non enim opus est *Hercule* pro castigando perpusillo Nano.

Abundè tibi gratulor tuas rusticas delicias, longè Humaniores rixis *Londinensibus*; eò enim dementiæ hîc deventum est, ut nec morbos, nec remedia pati possimus; tu interim secundum ipsam naturam vivis, pulveris, & tumultûs hominum pertæsus, & velut *Adamus* in Paradiso creaturas placidè contemplans; quis fuit ille *Deorum*, qui hæc tibi otia fecit?

, at
Sa-
illi-
tra-
uet,
agit
am,
ppâ
suas
ini-
etri-
opus
per-

ru-
ores
de-
nec
offu-
sam
nul-
elut
pla-
ille
fe-
cit?

cit ? Te oro, obtestorque, ut hu-
manissimum, & clarissimum vi-
rum, D. *Tarbrough*, meo nomine
(qualecunque est) salutare, & ut
nunquam cessares oculis, & corde
ferre

Tui Amantissimum

Dat. Londin. Sept. 10.
1682.

T. R.

Au-

Authoris ad Lectorem

P R Æ F A T I O.

Benevole Lector,

MEdullam hanc Philo-Chymicam tibi maritare volo, illam igitur conjugali amore recipe, est enim pura, & casta, minimèque gravida aliorum laboribus, continet tantum illa, quæ hisce oculis vidi, hisce manibus tractavi; nulla hic figmenta, nulla somnia, aut umbræ, nulli hic furtivi fasciculi, aut sesquipedales compositiones, sed brevitati, & tuæ voluptati studens, nihil præter proprias meas observationes accumulavi, & peperî, non famæ, aut lucri gratiâ, sed mente honestâ, & verè Philosophicâ, ut communi hominum utilitati (quantum in me est) inservirem, hâc ratione persuasus hic publicè prodeò in Theatro Anglicano, (magno illo artium Elaboratorio) acturus partem

P R Æ F A T I O.

partem hospitis devotissimi; vos, igitur, Angli, more vestro hunc libellum accipite, h. e. candidè, & amicè, vestra enim gens olim inclauit, & hodiè celebratur pro morum suauitate, profundissimâ eruditione, & fortitudine invictâ; quæ regio in terris vestri non plena laboris?

De Chymix Antiquitate, nobilitate, & necessitate hic Rhetoricari nolo, licèt de illâ dicenti nemini deesse potest vel Materia, vel Oratio, qui hæc desiderat, adeat Doctissimum Borrichium, sed credo paucos, aut nullos (nisi Bæotico ingenio fatuos) dignitatis & summæ utilitatis Chymix esse ignaros, ergò hic non opus est Hederâ; Anatomia detegit partium corporis situm, texturam, usum, morbosque; Scientia plantarum, animalium, mineralium, aliarumq; rerum naturalium suppeditat nobis materiam medicam; amboque comitantur ineffabili quâdam voluptate

P R Æ F A T I O.

ptate, magnoque emolumento; at
 sola Chymia suâ industriâ, & ar-
 tificio utile ab inutili segregat,
 medicamenta perficit, & humanis
 functionibus adaptat, nec solum
 Medicinæ, sed Philosophiæ natu-
 rali, artibus Mechanicis, aliisque
 vitæ nostræ commodis maximè in-
 servit, adeò ut sine Chymiâ gens
 humana esset manca, & rudis; est
 scientia tam naturalis, & necessa-
 ria, ut instinctu quodam, & inevi-
 tabili rerum fato ad illam exercen-
 dam ducuntur homines, in præpa-
 rando cibo, potu, pane, & sale, se
 prodit Chymia; ubique, & semper
 ab ipsâ creatione exercitata fuit,
 est ipsa Machina, quæ volvit, &
 temperat orbem; nam ipsa Natura
 nil aliud est quàm prudentissimus,
 peritissimus, & dexterrimus Chy-
 miater, corrumpens, generans, se-
 gregans, uniens, circulans, & dige-
 rens vastam mundi molem, immen-
 sam illam Atomorum concreto-
 rum, & variè figuratarum massam,
 à quo-

PRÆFATIO.

à quorum diversis innatis qualitatibus viz. motu, figurâ, magnitudine, situ, & texturâ (quæ omnia multiplicia & dissimilia sunt) dependent singulæ variæ rerum mixtarum facies, qualitates & phænomena, quæ nihil aliud sunt præter meras distinctas ideas, ortas à variis impressionibus Atomicorum principiorum, diversimodè dispositorum, corpuscula enim illa variè modificata sunt unica Elementa, & semina rerum; Aqua Thalio, ignis & aqua Hippocratis, quatuor Elementa Aristotelis, tria Paracelsi, quinque Willisii; Acidum & Alkali Tachenii sunt horum creaturæ; ad particulas igitur, seu corpuscula multifariam texta, & mota primario recurrendum est cum sapientissimis veteribus, Democrito, Epicuro, Lucretio; & Sagacissimis Modernis, Celeberrimo Verulamio, subtili Cartesio, cogitabundo Hobbio præsertim verò Doctissimo Gassendo, magnoq; Boyleo, qui uberrimis

P R Æ F A T I O.

Et perspicuis experimentis illustravit omnia, in tenebris antea involuta, Et extra dubitandi aleam posuit, partâque indubitata victoriâ contra Elementa Peripatetica, Et principia Chymica, triumphum splendidissimum meruit, modò verecundia, Et humilitas Philosophi tam debitam, justamque pompam pateretur; at Boylæus suis non gloriatur Lauris, suis non superbit Spoliis, Et Trophæis, nec Capitolium ascendere laborat, licet venit, vidit, vicit.

Si hunc meum laborem, Et igneas lucubrationes, Candide Lector, in bonam acceperis partem, tibi breviter alia opuscula perlegenda tradam, modò Benignissimus Deus mihi vitam largiatur, nam per totum vitæ stadium dilectissimam meam Chymiam, (corculum, Et animæ dimidium meæ) per ignem, Et aquam persequar.

MEDUL-

MEDULLA CHYMIÆ.

Chymia, quæ venit à Chema, *Chymia Etymologia, Antiquitas, Objectum.*
hebraicè sidus calidum significante, est ars contemplativa, & activa, rerum cun-

ctarum naturam examinans, undè terræ Metalla mutuantur nomina sua à Stellis, quarum variæ influentiæ credebantur olim temperare, & determinare Sublunaria; excellentia hujus artis liquidò apparet tam antiquitate nominis, quam veterum Testimoniis; *Tubal-Cain* (homo octavus ab *Adamo*) erat versatissimus in operibus Metallicis; *Moses* calcinavit, & in pulverem redegit aureum Idololum *Israelitarum*; & vetustissimus *Egyptiorum* *Hermes* fuit expertissimus in arte Chymicâ, præsertim Metallicâ, undè profluxerunt immensæ *Egyptiorum* opes; nec hîc prætereunda sunt *smaragdina*, penè divina, *tabula*,

MEDULLA

& *symbolum aureæ Homeri catenæ*. Omnis res creata sublunaris est objectum hujus divinæ artis, quæ a suis non solum purgatur sæcibus, sed ad ulterio- deducitur perfectionem, estq; hæc Ars unicum tam Mechanicæ, quam Medicinæ principium, & fundamentum.

*Examina-
tio princi-
piorum.*

Olim inter Hebræos, Græcos, Lati- nosque, plurimi pro Principio Catholi- co, & Materiâ primâ aquam viscidam venerati sunt, è quâ, parte subtili, & sub- tilissimâ à crassâ divisis secundum leges Motûs, totum systema Cosmicum ædi- ficari, & adhuc conservari perpetuâ circulatione voluerunt; at hæc Hypo- thesis non solido innititur fundamento, licet sustentatur sacrâ veterum authori- tate, & nuperrimè ab *Helbigii* hume- ris, quia necesse est hoc suum princi- pium, ex (supposito quòd tale datum fuit aut datur,) componi ex infinito nu- mero Atomorum, seu corpusculorum variè modifierum, à quibus viscosi- tas, motus, totaque forma hujus aquæ derivanda sunt; ergò non meretur no- men principii primarii, sed collocetur (modò fuit, aut est in rerum naturâ) in classe secundariorum, seu composito- rum Elementorum. Peripatetici Ignem, Acrem,

C H Y M I Æ.

Aerem, Aquam, & Terram pro principiis, & elementis statuerunt; *Paracelsus* suam Trigam, Sal, Sulphur, & Mercurium, in scenam Chymicam producit; *Willisus* quinque principia assignat, Spiritum, Sulphur, Salem, Aquam & Terram. Expertissimus, & dexterrimus *Tachenius* à Magistro *Hippocrate* edoctus, Ignem, & Aquam, (Acidum, & Alkali,) esse principia acriter argumentatur, eademq; opinio propagatur à *Vanderbeck*, *Swalvio*, *Portzio*, &c. at rejicitur ab experientissimo *Boylæo*, sagacissimo hujus seculi Philosopho; fatendum tamen est hanc Hypothesin, de Acido, & Alkali multum rei medicæ inservire, & non possum non applaudere immortalis *Tachenii* ingenio; veruntamen omnia hæc vulgaria principia sunt effectus aliorum principiorum, quo concesso, darentur principia in infinitum; præterea illa omnia Elementa variantur, & transmutantur pro lubitu artificis, viz. aqua in aerem, aer in aquam, aqua in terram, sal in sulphur, sulphur in materiam Mercurialem, & in ipsam terram, quæ Phænomena vix congruunt, aut quadrant veræ Ideæ, & naturæ principii; ergò ut vera cognoscamus principia,

M E D U L L A

non ad communem Chymicorum praxin, sed ad Atomos, seu corpuscula variè texta, & mota recurrendum est, à quorum diversis modificationibus non solum prænominata, sed ferè innumera alia principia, malè sic dicta, emergunt, nam ignis, & motus vix dissoluant particulas corporum sine alterationibus, & novis compositionibus; multaque Phænomena producuntur ab Acido, & Alkali quæ non dependent ab Acidis, aut Alcalicis qualitatibus, sed ab aliis Mechanicis affectionibus: Qui plura de hisce rebus desiderat, adeat præfationem hujus libri, & revolvat *Boyllii* scripta; ut, Sceptic. Chymic. cum appendice novâ. Animadversion, in Hypothesin Alkali & Acidi, Chymic. Paradox. de transmutatione principiorum Chymicorum; item Origin. Formar. & Qualitat. omnia sanè cedro dignissima.

Relictis, & prætermisiss plurimis præludiis, & operationibus ab aliis Chymicis toties repetitis usque ad cramben, referam tantum illa, quæ aut ipse inveni, aut illustravi, aut methodo faciliiori peregi, omniaque brevissimè.

De vitriolo.

Ad Oleum, & Spiritum vitrioli conficiendum, Vitriolum calcinatur ad flavedi-

vedinem, ut accidentalis advolet humiditas, & deinde in retortâ vitreâ summo ignis gradui expositâ per sexaginta horas destillatur, prodit spiritus, (qui in alio vitro rectificari potest:) & in fundo remanet spiritus acidus admodum corrosivus, à nonnullis falso oleum vocatus. Breviori temporis spatio perficitur, & majori lucro, per amplissimum recipiens cum magno orificio, ut *Vide Figur.* spiritus exitum habeant liberiores. D. *Boyllius* è Colcothar vitrioli prius edulcorato aquâ pluviali, sublimando cum duplici quantitate Salis ammoniaci, conficit suum ens Veneris, quod est satis nobile medicamentum; idem Colcothar edulcoratum, & cum aq. albuminis ovi in cataplasma redactum, cancrum mammarum non ulceratum sæpè profligat; infunde guttatim spiritum corrosivum in aquam pluvialem supradictam vitriolo imprægnatam, & ad dimidium evaporatam, & videbis strias instar capillorum; infunde balsamum sulphuris anisatum, in supradictam aquam, & invenies massam rubram instar saponis; si accipias vitriolum Martis sic dictum, cum duplici quantitate salis ammoniaci & eâdem methodo procedas, habebis

sublimatum ejusdem odoris, & saporis, cum ente Veneris supradicto. Accipe limaturam Martis, & spiritum Vitrioli acidum, fermenta, digere & filtra addito quodam sale, prodiit liquor stypticus, qui silit sanguinem arteriæ incisæ sine excoriatione; sunt qui accipiunt Vitriolum Martis, & destillant pro spiritu, quem pro magno secreto vendunt, sed nihil aliud est, quam spiritus Vitrioli regeneratus. Tartarum vitriolatum vulgò conficitur guttatim instillando spiritum Vitrioli in ol. Tartari per deliquium ad perfectam saturationem exsiccando, postea in aqua pluviali dissolvendo, filtrando, evaporando, & iterum lentè exsiccando pro usu; sed mihi est alia quædam methodus particularis, viz. fumo vitriolum viride, in aq. pluviali dissolvo, digero, & filtro, postea mediante calefactâ laminâ ferreâ illud totaliter privo suis particulis cupreis, quibus videtur spoliari cum ferrum non amplius ad se attrahit corpuscula cuprea, tum iterum filtro & guttatim superaffundo alcali volatile, ut sal armoniac. aut C. C. q. s. digero, filtro, iterumque cum judicio infundo spiritum volatilem opus repetendo donec in digerendo

rendo nil impuri in fundo apparet, tum ultimò evaporatione exicco, & servo ad usum; dos. ℥j. in morbis chronicis, cum fructu usurpetur, longè enim antecellit vulgare Tartarum vitriolatum. Cum vitriolo hungarico pulvis sympatheticus conficitur, cujus virtutes in dubio sunt, sed D. *Boyllus* fecit sequens experimentum, quo colligi potest ejus virtutem esse quam maximam & nudis tantum verbis non refragandam: Habebat generosa quædam mulier hæmorrhagiam uteri jam quatuor mensibus, & tam potenter à pulvere sympathetico constipata est, ut valdè ægrotaret propter inhibitum fluxum, quem iterum provocavit per tincturam Succini: confiteor plurima vulnera posse curari sine applicatione emplastrorum dummodo ab aëre externo defendantur, ista tamen assertio, non pulveris symp. virtuti contradicit.

E vitriol. Roman. sal. nitro ana *lib. j.* *De Nitro.*
 sal. commun. *lib. ij.* Calc. viv. *lib. ss.*
 calcinato vitriol. lege artis; destilletur aq. fort. a plurimis laudata. E Colchotar vitrioli, & nitro, aqua fortis destillatur communi methodo, puto tamen esse spiritum nitri; sumatur ergo vitriolum

calcinatum usq; ad flavedinem, nitri, ana; in retortâ vitreâ ambo imponantur, & recipienti bene lutato, ignis fortis adhibeatur, donec vapores in recipiente amplius non appareant, sale ammoniaco addito, aqua fortis evadet regia in re metallica maximè necessaria; sume caput mortuum aquæ fortis supradictæ, & aqua pluviali sal extrahe, filtra, & crystalliza, & supra marmor tere, tunc imponas sal in retortâ, & infundas in eam dictam aquam fortem, destilla, & cohoba, donec totum in recipiens ascenderit, habebis noctilucam instar ignis; eodem modo conficitur sal luminosum, quo barba madefacta in tenebris tamquam ignis lucet per additionem cuiusdam spiritus subtilissimi, à paucis noti; ex una parte nitri, & à tribus boli Anglicani destillatis spiritus prodit, qui rectificatus ad usum servetur; sal extractum per aquam pluvialem à capite mortuo, nihil est præter nitrum, non Alkali, ut quidam putant, inter quos annumeretur Dr. Mayow, qui in tractatu de nitro affirmat caput mortuum nitri destillati esse simillimum sali Alkali, quod sal fixum nitri à terrâ provenire putat, sed quandoque bonus dormitat

Homer



Homerus ; idem fit cum sale communi, si accipias sal à supradicto capite mortuo, & denuo cum bolo commisceas, totum nitrum transit in acidum spiritum, quæ aciditas è particulis constat igneis, quas doctissimus *Rudolphus Balduinus* tollit, dictum spiritum dulcificando, non per spiritum vini, sed admodum philosophicè, per saturationem scilicet ; ex eo oritur magnes, cujus beneficio Aurum Auræ, & spiritus mundi attrahuntur. *Phosphorus* item conficitur, & nulla alia reperitur vera methodus dulcificandi istos spiritus, quam hæc ; quamvis indocti mysteria hæc non facile concipiant. Nitrum s.a. purificatum præstantius est sale prunell. Pro secreto maximo fuit *Helmontio* modus saturandi spiritum nitri, cum quo conficiebat menstruum admirabile ; vertunt spiritum hunc in nitrum per Alcalia fixa, sed nitrum hoc non videtur idem esse, quod antea fuit, quia si ingrediat pulverem detonantem, hic nulum strepitum edet. Spiritus rubicundissimus instar sanguinis à nitro obtinetur, si calcinati silicis p. iij. nitri p. j. in retortâ destillentur, cavendum tamen est ne fluxum concipiant à nimio igne ;

&

& est spiritus nemini inferior. Idem facilius obtinetur, si nitrum commisceatur cum Calcis viv. p. iij. & per retortam violentissimo igne destilletur.

*De sale
communi.*

Inter omnia salia meo iudicio, sal commune est præstantissimum, hoc peculiare habens, quod strepitum, ceu crepitum edat, quando illud privare volumus sua accidentali humiditate, à quâ, decrepitatio provenit; ex oleo communi, & sale marino decrepitato, per retortam destillatis, potentiùs oleum Petrolei prodit, quod sæpiùs destillando oleum limpidum evadit, & postea sæpiùs destillatum à sale tartari, in aquam ardentem commutatur. Lateres rubescentes in oleo 100 annorum immerfi, postea triti, & destillati præbent oleum vulgò dictum Philosophorum, in ulceribus sordidis proficuum; oleum commune per se destillatum easdem habet qualitates, & effectus. Sal destillatur eodem modo ut Nitrum. In fine destillationis flores albi sublimantur in collo retortæ, nec sunt rejiciendi: ʒ Sp. salis rectificatissimi, q. v. mediante calce vivâ perfectè saturetur, in pulverem exicetur, & in crucibulo fundatur; fustum & refrigeratum tere, & cum quartâ parte calcis vivæ commisce, per retortam

Idem tam destilla, & spiritum colliges perpetuo fumigantem, & albos vapores exhalantem cum odore, & sapore gratissimo, in jusculeo sumptum nephriticos dolores juvantem, Hydropes, obstructionsque relevantem, visceribus & fermentis amicum. Mediante sale communi, confeci in Angliâ meum Magneticum lapidem, qui in oleum infusus, effectus edit admirandos. Lapis hic in plurimis concordat cum lapide *Butleri*, de quo *Helmontius*: Primus illius virtutum investigator fuit Nobilissimus, atque Doct. D. *Joannes Yarbrough*, Medicinæ Doctor in *Newark* in comitatu *Notingham*, vir celeberrimus, & amicus singularissimus. Inveni postea modum præparandi dictum lapidem, ut esset præstantior sapore & viribus, nec talem unquam putavi reperiri potuisse in rerum naturâ. Frustrâ laborant, qui illum componunt mediante sale communi, ente veneris, & usneâ secundum *Helmontium*, aliisvè modis, nisi possideant verum nostrum ignem veneris, ex liquamine nostro volatili Cupri confectum, quod liquamen nequit obtineri nisi per magnetem a sale marino elaboratum, qui magnes non
solum

solùm dominatur in regnum metalli-
cum, sed etiam animale, & vegetabile,
de quo, favente numine, scribere libel-
lum peculiarem in animo habeo; la-
pillus meus in aq. commun. solutus eun-
dem saporem, odoremque habet cum aq.
mineralibus *Knasburiensibus* agri ebo-
racensis; & toto cœlo errat Doct. *Simpson*
affirmans salem communem tēr fūsum
& in aqua solutum, easdem habere qua-
litates cum prædictis aquis; oleum oli-
varum cum sulphure metallico nostri
lapilli imprægnatum, valet contra o-
mnes dolores, & tumores, nisi Galli-
cos, externâ inunctione infallibiliter
curat podagricos, & scorbuticos, majori
cum certitudine quam vel Moxa, vel
Ranunculus, vel aliud quodcunq; cau-
sticum. Memini me Lutetiæ Parisio-
rum ob certam quandam rationem præ-
parasse velle sp. talem hoc modo; viz.
sumpsi salem communem q. s. solvens
illum in aq. calidâ, digerens, filtrans,
& exiccans, hunc laborem per 12 vices
repetebam, ultimò hunc depuratum
salem cum bolo commiscebam, & de-
stillare conabar, sed operam & oleum
perdidi, nam ne guttulam sp. obtinere
potui.

Vulgò

Vulgò dicitur in destillatione Aceti *De aceto.*

primum prodire phlegma, & deinde spiritum acidum sicciorem, ratio, quia nonnulli acetum prius evaporant usq; ad dimidium, aut tres partes, tumque destillant residuum, est ut citius terminent; verùm si S. Q. aceti sine præviâ coctione, & evaporatione sollicitè destillaverint, videbunt spiritum ascendere ante phlegma, subtilissimum, & volatilem, quem pauci animadvertunt, atque propter nimiam ejus subtilitatem & parvam quantitatem vix coercibilem, hic spiritus tamen summâ curâ collectus, est valdè considerabilis, neque meo judicio multum differt ab illo, qui destillatur à viridi ære olim venditus pro spiritu Veneris, uti *Zwelferus*; esse autem talem *D. Boyleus*, & *Tachenius* doctissimè negant, sicut & illum, qui cum saccharo Saturni confici solet & sequenti experimento probatur. R. viride æs, destilla, obtinebis spiritum, & redige caput mortuum in viride æs per additionem aceti S. A. & observabis tantum aceti esse absorptum, quantum collectum fuit sub formâ spiritus; hoc acetum esse magis volatile aceto effuso non mirum est, quia particulæ subtiliores

in

in destillatione viridis æris prodeunt, crassioribus in capite mortuo remanentibus, id quod denuo fit in destillatione viridis æris regenerati.

De sulphure, sp. vini, aliisque spiritibus.

Sulphur vulgari methodo sub campanâ combustum, dat spiritum fixum valdè acidum, & corrosivum, mixtum verò quantitate duplici cum meo sale, spiritum dat fere insipidum, qui nares violentissimè offendit, ac si sulphuris magna copia in cubiculo combureretur, istius mei spiritus sulphuris gutta una, vel altera lacti instillata, illud coagulat, sed sale volatili ammoniaco eidem adjecto, redit in pristinum colorem & consistentiam. Inter spiritus acidos volatiles *Tachenius* numerat etiam spiritum vini alcoholisatum, qui conficitur cum solo spiritu vini vulgari per vesicam, sine ulla additione, vel cinerum clavellatorum, vel salis communis, sicut à nonnullis fieri solet: Certus sum, quod si Artifex gradu ignis debite aucto, benè in re processerit, habiturus sit unica vice Alcohol subtilissimum, cum paucò phlegmate, quod Alkali parva quantitate adjectum, penitus imbibit, sicque separat. Miror apparatus quorundam *Chymicorum*, qui pro

pro Alcoholisatione spiritus vini utuntur instrumentis serpentinis, usque ad cœlum erectis, quæ nullius usus sunt, quam ad decipiendam plebem; sufficeret instrumentum unius cubitus, simplicissimum, modo regimen ignis observetur. Solent cohobare hunc sp. super salem tartari, & sp. vini tartarizatum falsò nominare, at verus sp. vini tartarizatus est essentia vini antiquorum Philosophorum, & quidam subtilis sp. à suo tartaro non separatus, & sic paratur; expone aeri frigidissimo vinum generosum in vase idoneo, ut congeletur, foramen fiat cum baculo in gelu, & funde liquorem non condensatum in aliud vas, liquor segregatus congeletur, quod repete toties, usq; dum aer non amplius liquorem residuum condensare valet, purissimum tunc habebis & verum sp. vini tartarizatum, qui mirandos edit effectus; hâc verâ essentiâ, seu sp. vini tartarizato leniter digesto in Matraccio fit fragilis lapillus rubri coloris. Sic etiam in quorundam officinis infinitum vidi numerum fornacum, magis ad pompam, quam ad utilitatem extructarum; in laboratorio meo centum forsân lateres conspiciuntur, quorum beneficio, sine ulla additione, aut ferri, aut luti, fornaces construo

Consul. figuræ & descriptionem in fine hujus libri.

struo ad quaslibet operationes brevissimo temporis spatio, & iterum destruo; sic nec retortas meas luto obduco, sed simplicissimè impono alteri cuidam vasi terreo, gallice *Callote*, nec in sublimando ferè unquam Matraccio utor, sed simplicissimâ phiolâ, majori aut minori pro re natâ. Sunt in Germania, qui jactant commune Alcohol vini, brevi temporis spatio commutari posse in pulverem album. Ars multum efficere potest; hinc non audeo, nec negare, nec affirmare, quia nunquam vidi, credat qui vult, per me licet; etiamsi pulverem quemvis subtilissimum pro Alcohol vini venditare quis velit: curiosum sanè foret, si spiritus rosarum, aliorumque odoriferorum in talem pulverem posset redigi: spiritus hic valdè subtilis obtinetur per fermentationem, destillationem, & rectificationem: dum rosarum mentionem facio, non possum, quin adjiciam, me præterita hyeme rosas artificiales confecisse adeò naturæ æmulas, ut deciperent etiam sagacissimos; ceterum non ex omnibus floribus odoriferis liquor elici potest per se tam bene olens, ac per destillationem descensoriam in vitro, mediantibus radiis solaribus, vel balneo descen-

CHYMIÆ.

descensorio, quando radii Solares deficiunt; sic ex jasmino obtinetur liquor odoris suavissimi, & præstantior illo, qui à Genuensibus per *Germaniam* venditur, ejus basis nihil aliud est, quam oleum Amygdalarum, vel de Ben, straticatarum cum floribus Jasmini. Mirum sanè est, aquam Jasmini, quam conficiunt, nullum habere odorem, saporem verò quàm gratissimum, conficiunt dictam aquam per plurimas infusiones, & omnium infusionum destillationem; grata est in julapiis, aliisque potionibus saccharatis, ut Sorbettum, &c. sunt qui tradunt varios modos extrahendi spiritum ex Violis, servato odore, & sapore; verum an possibile sit maximè dubito, tincturam inde parant per infusionem S. A. illa quæ habet saporem violarum, conficitur inde syrupus, compendiosius autem conficitur per expressionem succi violarum, sine præviâ contusione.

Willisus ex sulphur. unc. j. salis Tartari unc. iij. conficit suam tincturam sulphuris S. A. mediante vino generoso atque ex illo syrupum suum, adeo existimatum per totam Angliam; à quâ massâ salem volatilem albissimum habui.

Liquor odoriferus Jasmini.

Willisiana preparatio Sulph. & Martis.

M E D U L L A

duimus, non dissimilem illi à sale Armoniaco destillato, nec in odore, sapore, aliave qualitate, quod tamen Phœnomenon non semper succedit. Idem ex cadavere vini, & limatura Martis, conficit suum dissolubilem Martem in aqua frigida, mediante mixtione, & fermentatione, bis, aut ter repetitâ, additâ humiditate.

*De Tartaro
& Salibus
Alcalibus.*

Ex Tartaro, & sale nitri autem gratissimus spiritus eliciatur destillando, & rectificando communi methodo, in obstructionibus, & morbis calculosis laudatus. Tincturam salis Tartari, quæ reverà nihil aliud est, quàm particulæ alcalicæ cum Alcohol vini conjunctæ, conficere soleo modo sequenti; fumo sal Tartari in crucib. fustum, & in mortario calido tritum, Q. V. & in phiolâ amplâ pono, postea infundo spiritum Tartari rectificatissimum calidum, Q. S. & agitandô exacte commisceo, tum infundo Alcohol vini, iterum agito, & illico obtineo tincturam rubicundissimam sale Tartari imprægnatissimam, colore, sapore, atque odore gratissimam; processum hunc cuidam communicavi, qui elaborando, tincturam quidem obtinuit, sed animadvertit nihil salis Tartari

tari in illa contineri, & mihi objecit
 tincturam hanc nihil esse præter spiri-
 tum vini, & spiritum Tartari unitos,
 non negavi ejus conjunctionem; ratio
 tamen quare tinctura sale Tartari non
 fuerit imprægnata, est quia non bene
 processit. Sic sæpissimè damnantur
 Authores; quod si bene processum fue-
 rit in fundo remanebit quædam gelati-
 na cœrulea, quæ vel in pulverem, vel
 in liquorem redacta, dat Alkali præ-
 stantius sale Tartari communi: hæc
 nostra tinctura Tartari non solum o-
 mnia olea stillatitia, sed etiam ipsum
 Balsamum Gileadense, sp. vini, aliòve
 menstruo solvi nescium, optimè dissol-
 vit, undè evadit medicamentum ma-
 ximè diureticum, aperitivum, abster-
 sivum, & stomachicum, in morbis Asth-
 maticis, Phthisicis, & Hydropicis non
 contemnendum, nec nocet in Go-
 norrhæa, modò cum methodo, & ju-
 dicio propinetur. Ferè omnes dicunt
 Alcalia omnia ejusdem esse naturæ, &
 tamen gradu differre; nolo prorsus con-
 tra illos agere, sed tantum dicam quid
 ego expertus sim: fudi sal Tartari,
 quod provenit a vino albo Gallico, &
 rubescebat post fusionem sex horarum,

sal Tartari vini *Hispanici* post fusionem unius quadrantis rubescebat quasi sanguis, & sal fixum absinthii etiam detentum per viginti horas nihil prorsus rubescebat. Sic cum Domino *Pauli* Med. Doct. & mihi amicissimo quondam *Bonæ* præparavi Regulum medicinale Antimonii, sumendo, ut mihi mos est, salis Tartari par. j. salis communis par. iv. Antimonii par. v. & unica fusione obtinui regulum fusci coloris, medicamentum tutissimum; cum etiam aliâ vice sumerem sal cardui benedictilo, cò salis Tartari, eadem quantitate, habui regulum vulgarem. Non solum è sale Tartari fixo, sed ex omnibus salibus Alcalibus fixis tincturæ rubicundissimæ eliciantur, mediantibus suis propriis spiritibus, fermentatione, & destillatione paratis, & in Alcohol subtilissimum reductis, quæ possunt fieri magnarum virium in Medicinâ. Præterea in crystallizatione salium Alcalium exacte observavi diversas crystallorum figuras, quæ necessario dependent ex diversis particularibus figuris, & consequenter eorum natura est diversa. Optimè, & copiosissimè conficiuntur ex herbis viridibus, in ætate

ætate maximè floridâ collectis, incisis,
 & in vase ferreo super ignem impositis,
 donec incinereſcant leni calore, cineres
 violento igne calcina, ex calcinatis me-
 diante aquâ pluviâli lixivium conficia-
 tur, filtretur, evaporetur ad cuticulam,
 cryſtallizetur, decantetur liquor à cry-
 ſtallis, qui iterum evaporetur pro ulte-
 riori Cryſtallizatione; opinatur *Willi-*
ſius cineres optimè calcinari cum addi-
 tione ſulphuris, ut albiores fiant, &
 pulchriùs cryſtallizent, undè ille magis
 approbabat hunc modum, quam vul-
 garem; ſal Tartari conficitur prædi-
 ctâ methodo, ſed hic non poſſum præ-
 terire abuſum in *Angliam* introductum,
 & aliis in locis exercitatum, viz. compo-
 nendi ſalem Tartari ope nitri, ſumunt
 enim nitri, & Tartar. crudi an. lib. j.
 pulveriſant omnia ſimul, & in vase
 ſigulino calcinant in maſſam albiffi-
 mam, ſic ex hiſce duabus libris obri-
 nent lib. i. ſal. Tartar. quod improprie
 ſic dicitur, nam lib. j. Tartari crudi præ-
 bet ſolùm circiter ℥iv. ſalis, ergo certum
 eſt nitrum non totum avolaſſe in au-
 ras, ut illi ſomniant, & ſi memoria me
 non deludit, tentavi incaſſum præpa-
 rare aurum, ſeu pulverem fulminan-

tem cum hoc sale, sulphure, & nitro;
 liquidò igitur constat salem Tartari
 præparatum cum sulphure, vel nitro,
 non esse verè Alcalicum, aut genuinum
 salem Tartari. R̄. Absynth. virid.
 vel alterius cujuscunque herbæ, Q. S.
 destilla lento igne in retortâ adaptando
 recipiens usque ad siccitatem, vasis re-
 frigeratis caput vulgò dictum mortuum
 tere, destillatum superinfunde, de novo
 destilla toties cohobando donec nihil
 præter phlegma ascendit, semper ob-
 servatâ graduâli augmentatione ignis
 in qualibet destillatione; ultimò fume
 cineres quos super laminam ferream
 cum spatulâ ferreâ agita, ut fuliginoso-
 sum avolet in auras, & pulvis albus
 evadat, tum cum spiritu ejusdem plan-
 tæ per fermentationem præparato di-
 gere, filtra, & evaporatione Chrystal-
 liza; qui crysalli arcanum vegetabi-
 lium nuncupantur, aliis salibus Mecha-
 nicis preferendi. Chymici fere omnes
 exaggerant magnopere virtutem Alca-
 lium fixorum volatilium, quæ sic pa-
 ro; e. g. accipio sal Tartari, & im-
 bibo spiritu Tartari rectificatissimo, &
 destillo, iterum infundo dictum spiri-
 tum Tartari, & cohobationem tamdiu
 con-

continuo, donec spiritus Tartari abstrahatur, eodem vigore, uti quando infusus fuit, & ultimò sublimo. (Medicus quidam mihi familiarissimus sumit aquam regiam loco spiritus Tartari, & eodem modo procedit ut suprà) in fundo post sublimationem remanet corrosivum aquæ regiæ, fere picis instar. Oleum viscidum, & foetidum Tartari cum sale Tartari commixtum in liquidâ massâ, lege artis fermentando, & sublimando, sal volatile obtinetur album, sed paululum fætidum, qui fætor facillimè tollitur per Alcohol vini; non hic præterire possum *Zwelferum* cum suo phlegmatico modo præparandi salem volatilem Tartari, destillando oleum Tartari per deliquium cum repetitis vicibus; ab ipso Tartaro sal volatile obtineatur vulgari methodo destillandi, modo retorta habeat longum Collum, cui inhærebit sal volatile, sed in tam parvâ quantitate, ut sit vix colligibile. Ex oleo Tartari per deliquium, & ipso Tartaro crudo pulverisato, commixtis, & simul fermentatis usque dum saturentur, Tartarum fit dissolubile in aq. frigida à quo

extrahatur spiritus urinosus, & sal volatile secundum *Langelotum*.

*Tinctura
Corall.*

Tincturam corallorum magis sinceram, atque legitimam reperiri posse mihi non videtur, quàm hæc, sine ullâ additione. R. Corall. gross. trita, destilla per retortam igne violentissimo quadraginta horis, in recipiente inuenies liquorem rubrum, atque unctuosum, licet parvâ quantitate, hunc lento balnei calore abstrahere ad mellis consistentiam, à residuo obtinetur tinctura rubicunda mediante Alcohol vini; reliquis modis præparandi tincturam corall. nullam fidem habeo, quia menstrua per se rubescunt, aut per longam digestionem, vel per additionem salium, id quod sæpe expertus sum.

*Tinctura
quædam
minerales.*

Ex omnibus Metallis imperfectis, excepto Saturno conficitur tinctura, quæ reverà meretur nomen tincturæ Metallorum, vel quia ingreditur Antimonium, Pater omnium Metallorum dictum; vel quia unum, aut alterum Metallum reverà ingreditur, sic R. Antimonii regulum, Martem, Venerem, Jovem debitâ proportionem, funde, tere, & pulveriza, pulveres cum S. Q. Nitri detoniza, ignem augendo, & detineas

*Tinctura
varii Me-
tallis.*

tam.

tamdiù in fusione, donec massa inter
coeruleam, & viridem evadat, tum S.
A. cum Alcohol vini tinctura extrahatur,
quæ est Medicamentum egregium in morbis
Chronicis, ubi peccant obstructions. Cum Nitro, Antimonio, &
Jove pulvis ille famosus *Poterii* conficitur,
quem si cum resina guajaci commisceas,
egregium habebis sudoriferum medicamentum,
& mihi quotidianâ experientiâ comprobatissimum.
Si flores Antimonii violentissimo igne reverberentur
ad plenam rubedinem, dant rubram tincturam
mediante sp. vini Alcoholisato. Tinctura Antimonii
conficitur cum sale Tartari, & regulo Antimonii,
calcinando cum fusione ignis per tres dies
in furno vitriario, in fine reperitur massa
rubra, à qua tinctura rubicundissima elicitur
per Alcohol; reverà non puto quidquam
salis Tartari in hac tincturâ superesse
propter validam calcinationem, & experimento
satis constat, quia pulvis ille ruber aëri
expositus rubedinem conservat. A Mercurio
obtineo tincturam violaceam mediante
meo menstruo, quod limpidum est, & pingue,
& minimè corrosivum, neque cutim maculans,
quando illud manibus

*Tinctura**Antimonii.**Tinctura
Mercurii.*

tra.

tractaveris, nec vestimenta, neque lin-
tea corrodens; tincturam hanc si deti-
neas in leni digestionem, præcipitatur in
pulverem coloris rufi, & Menstruum
evadit iterum limpidum, ut antea fuit, &
si in loco frigido ponas, vel ante fene-
stram, insurgere videbis quosdam la-
pillos instar adamantis pellucidos, &
quotidie crescentes sapore admodum
gratos, dulces, substypticos; Me-
dicamentum nobilissimum, parvâ quan-
titate, variis modis exhibitum, variosq;
& magnos effectus edens. Per idem

Tinctura
Martis.

Menstruum tinctura elicitur à Marte
admodum sulphurea, continens sulphur
suum fixum, & instar sanguinis rubi-
cundum, neque flammam concipiens.

Tinctura
Solis.

Item per idem menstruum ex sole con-
ficitur tinctura addendo sal Philosoph.
ejusque beneficio per fermentationem
quandam in substantiam spongiosam
evadit, infunde Alcohol vini, & statim
sine ullâ additione Sol solvetur in tin-
cturam flavam irreducibilem. Lunam
certâ quadam arte præparo,ⁱ ut subti-
lior sit, in aquâ regiâ eundemque colo-
rem exhibet, ac si esset Sol solutus,
probam tamen cupellæ sustinere non
potest. Ex lunæ limatur. p. j. sulphur.

p. ij.

p. ij. leniter in crucibulo fufis, & unitis, & pulverifatis, eliciatur tinctura sæpiùs affundendo sp. fal. Armoniac. fecundum legem Artis; tincturam in Cryftallos redige, & per retortam sp. Lunarem elice, qui est medicamentum Antimaniuam celeberrimum.

Ex Caryophyllis tinctura extrahitur per Alcohol, quam falsarii venditant pro oleo dict. Aromatum, & Pharmacopœi emunt minori pretio, non ulterius cogitantes, dummodo nominetur oleum, sed reverà octuplo plus æstimandum est oleum stillatitium dictorum Aromatum, quod paratur mediante digestionem in aquæ pluviæ S. Q. cum adjectione cremoris Tartari, vel cinerum clavellatorum, uti ego facio cum insequenti destillatione, & separatione. Vidi *Parmæ* in officina, quæ caput nigrum vocatur, post longam digestionem Caryophyllorum, fortiter premendo provenire aquam, & oleum, licet non tam diaphanum, nec tam subtile, ut è destillatione emanat. Ex omnibus herbis odoriferis siccatis in umbra S. A. & destillatis per vesicam cum additione aquæ pluviæ S. Q. olea habentur, quorum usus est frequentissimus

*Quedam
de vegeta-
bilibus.*

*De oleis
vegetabi-
libus.*

De Nico-
tiana

mus ad conficienda balsama odorifera, quibus facillimè datur corpus olei nucis moschatae, & præcipuè si extrahatur tinctura per Alcohol vini; idem fit ex feminibus anisi, carui, & similium, quæ omnia (relicta methodo communi) gros. trita, & per quatuor, aut quinque horas posita in balneo vaporoso, & fortiter pressa, olea dant obscura, gratissimi odoris, & saporis, eadem methodo habetur oleum Amygdalarum, seminum Papaverum, & similium. Ex nicotianâ communi methodo destillatur oleum fætidum, quibusdam animalibus, præsertim felibus, maximè noxium, modò una guttula stilletur in linguam, convulsiones enim lethales citò procreat, animalque perit, nisi protinùs succurritur imponendo naribus sp. salis Armoniaci, attamen interdum venenum superat omnem medelæ opem, prout ex hoc vel illo loco transportatur Tabacum; apud Medicos Chymicos non multum in usu est; ex succo unguentum conficiunt in *Italia*, vulneribus sordidis proficuum; *Hispani* quàm maximè delectantur Nicotianâ illâ, dictâ hispanicè *Da la vana*, quia suavissima est, & commodissima pulveri sternuta-

sputatorio; *Lusitani* verò celebrant *Bra-*
xiliensem, quæ est fortissima, & maxi-
 mè narcotica; *Chinenses* & *Japonenses*
 non carent suo Tabaco, sed parcè ad-
 modum fumigant, sicut *Turca*, & *Per-*
se; *Angli* & *Hollandi* *Virginiensem*
 laudant, quam interdum miscent cum
 Mastiche, Succino, C.C. Lavendulâ, Be-
 tonicâ, Salviâ, pro habitu, naturâ, &
 circumstantiis fumigantis; Novi nobi-
 lissimum Anglum sennam familiariter
 fumigantem, & salutiferam invenien-
 tem; quem morem fumigandi sennam
 apud Nobiles *Hetrurienses* ægrotos in-
 terdum invalere observavi, copiosè
 enim crescit, & cultivatur in *Hetruriâ*,
 rarò tamen aut nunquàm *Itali* fumigant,
 odoriferis sternutatoriis, sicut *Hispani*,
 sæpissimè exercitati. Ex Absinthio, &
 aliis herbis extrahitur oleum viride
 fragrantis odoris, & provenit à destilla-
 tione spiritus urinosus; & ita fit: Col-
 lectæ herbæ plenæ rore ponantur in
 cella vinaria per duas aut tres hebdo-
 madas, usque dum putrescant, inter
 duas tabulas, superiori depressâ à ma-
 gno pondere, ut meliùs cum altera u-
 niatur, positæ deinde in retortas vitreas
 in furno arenæ, dant spiritum urinosum,
 &

De Spiriti-
bus, & sol.

volat.

Plantarum

& oleum viride. Hæc regula observanda est in omnibus herbis; si tamen dictæ herbæ putrefactæ aëri exponantur, facillimè sal volatile habebis. E

De fuligine. fuligine ligni quercini per retortam destillata prodit sal volatile, sp. & oleum arte separanda; Balsamum ex hac fuligine sic obtineo; fumo sufficientem copiam fuliginis, quam derelinquo simul cumulatam, usque dum concresecat in lapideam substantiam, suspendo hanc concretam massam fuliginis in frigidissimo rigore auræ Hyemalis per 8 horas, aut plus, tum in medio frangam massam, ubi invenio viscosum Balsamum concentratum, in morbis Hystericis non contemnendum; sal fixum fuligine obtinui calcinando illam in vase ferreo igne violentissimo, postea lixivando cum Aceto destillato, filtrando evaporando, & crystallizando; est sal pretiosus in Cancris ulceratis, arsenicalem acrimoniam destruens. Sunt qui sal aromaticum conficiunt cum herbis aromaticis hoc modò; suppono à Mentha viridi siccata in umbrâ, & incisa, addendo aquam pluvialem cum S. Q. Alkali, & digestâ S. A. addito denique sale ammoniaco, & destillatâ, sal volatile

latile habetur odoris Menthæ & dici potest Alkali oleosum, volatile, & aromaticum, & per consequens ejus virtutes sunt majores Alkali communi salis ammoniaci.

Doctor *Sylvius* suum Alkali oleosum volatile, & aromaticum spiritum, (cujus virtutes in ejus continentur libris) conficere solebat accipiendo Cinnamomi, Macis, Nucis Moschatæ, corticum Citri, & Limonis an. drach. ij. Salis Tartari unc. ff. sp. salis armoniaci unc. iv. hæc omnia XXIV. horis relinquebat digestionem, & postea his omnibus unc. xij. Alcohol vini addebat, & iterum relinquebat digestionem per XII. horas, & destillata conservabat ad usum. Sed quia post mortem *Sylvii* variæ sunt dispersæ per *Europam* formulæ præparandi dictum Alkali volatile, & Aromaticum, hic ad plenum satisfaciam curiosis lectoribus addendo duas alias Methodos, ut prudenter eligant; an sint *Sylvianæ*, vel non, parum refert, sufficit ut sint Alcalia volatilia, oleosa, & Aromatica, effectis promissis non carentia; 4. Sal Tartar. 3j. ol. Cinnamom. aut ligni Sassafras, aut Cortic. Citri, gut xxx. exactissimè commiscan-

*Sp. & Sales
volatiles,
oleosi, & A-
romatici.*

sceantur in mortario siccò, nam hic labor, hoc opus est, tum adde sp. vini vulgar. *lib. j. ss.* paulatim commisceatur cum sale, impone totum in Matraccio, & adde *lib. ss.* sal. Tartar. agita, & digere per duas horas, tum spiritum supernatantem separa, & adde sp. sal. Armoniac. & sal. Tartar. an. ziv . item per horam digere, & sp. volatilem per declinationem separa; qui hoc peculiare habet in se, ut ejus gut. x. vel xij. commixtæ cum vino *Rhenano* illi impertiunt odorem, & saporem, vino *Hispanico* naturalem; aliquando citius conficitur uniendo guttatim aliquod Aromaticum oleum cum tincturâ salis Tartari, quantum imbibere potest, & addendo sp. salis Armoniac. q. s. sed hîc maximè cavendum est, ut sp. sal. Armoniac. paretur ex merâ Calce vivâ, & sal. Armoniac. secundum justam artis legem, aliter si præparata fuisset mediante aq. fontan. (ut vulgò fieri solet) tum sal Tartari in mixturâ contentus præcipitabitur ad fundum vasis instar Nebulæ; sed hîc monendum est, hoc Medicamentum esse celeberrimum, modo paretur mediante nostrâ tincturâ sal. Tartar. in hoc libello descriptâ.

Succi-

Succinum, & similia destillantur *De Succino,*
communi Methodo in retorta in furno
arenæ, destillatis ex iis provenit oleum,
& spiritus, pauca tamen quantitas salis
volatilis, oleum, quod est magis visco-
sum, facillimè mutatur in sal volatile,
ita fiat una massa cum sale communi
decrepitato, & sublimetur eodem mo-
do, quo sublimantur flores Benzoini
dict. oleum in limpidissimum spiritum
commutatur per beneficium cornu Cer-
vi calcinati, & magis existimandum est
meo iudicio, quam commune. Plu-
rimi tentarunt imitari *Chinenses* in
vertendo caput mortuum succini sic di-
ctum in vernicem nigram, in Europâ
maximi habitam, sed pauci aut nulli
veram Methodum invenire potuerunt;
pulverisato tamen hoc capite mortuo,
& sæpius supra affuso Alcohol vini, di-
gerendo totam massam resurgit tinctura
flava, quæ, Alcohol vini per destilla-
tionem extracto, relinquit in fundo va-
sis succinum flavum, & diaphanum, na-
turali, & perfecto haud dissimile; sed
hic processus est plenissimus laboris ob
immensam copiam sp. vini; hoc suc-
cinum tali modo regeneratum præbet
eundem sp. & oleum, ac nativum suc-
cinum,

cinum, quod repetatur in infinitum; tentavi separare repetitâ destillatione hoc liquidum, & Diaphanum oleum a nigro, & viscido, exactissimè lutavi vasorum juncturas, ignem augebam gradatim, sed nihil omnino destillabat, ignem ulterius augebam usque ad materiæ ebullitionem, quem continuavi per 12 horas (obstupui) ne gutta tamen olei ascendebat, nec aliquid odoris per juncturas erumpibat; extincto igne, refrigeratisque vasis, ex arenâ abstuli illa sine aperturâ juncturarum, duobus diebus elapsis curiosus volui de novo tentare, & subtiliter rationem examinare, statim primo gradu ignis destillabat, de quo maximè admiratus examinavi juncturas, & percipiebam odorem transpirare lutum, unde animo advertebam juncturas relaxatas fuisse in removendis vasis, à quo dependebat destillatio, hic sæpius tentavi eandem rem, & inveniri unicam illam fuisse rationem, nam observavi in destillandis rebus volatilibus vasa sæpè frangi in principio destillationis ob impeditam transpirationem; unde illi in magno hærent errore, qui credunt in principio destillationis Tartari (quæ communi methodo confi-

conficitur) magnam copiam subtilissimi, & admodum volatilis salis Tartari ascendere ante phlegma, sed pro subtilitate suâ, & negligentia operatoris per juncturas evanescere in auras, sic non parum laborant in exacte lutando, sed primo ignis gradu vasa certè frangentes, ad maximam volatilitatem salis Tartari omnia hæc attribuunt, sed immeritò; hic tamen moneo Chymicum non esse nimis incuriosum in lutandis vasis; idem notetur de circulatione in Pelicanis, in quâ operator sumit materiæ circulandæ q. s. imponens illam in vase circulatorio hermeticè sigillato, cujus pars inferior collocatur in Arena furni idonei, aut in stercore equino, in instrumento aureo, aliisvè modis; parte vero superiore Pelicani nudâ, & aeri expositâ, ut vapores ratione frigiditatis in striis descendant, iterumque calore ascendant modo circulatorio, quam operationem a digestionem distinguunt; sed multum dubito an reverâ differunt, nisi gradu caloris, quia tales circulationes non videntur succedere in Pelicanis ob arctam clausuram sigilli Hermetici, & ob rationes suprâ annotatas de destillatione per juncturas ad-

modum claufas ; ex fuccin. $\bar{\text{z}}\text{ij}$. fal Armoniac. lib. j. Calc. viv. lib. iij. fp. conficitur, laudabiles effectus producens, præfertim in auditus difficultate, guttulâ unâ vel alterâ in aurem inſtillatâ, 2 per diem per 3 vel 4 dies, aure ab aere deſenſâ ope Goſſypii, aut lanæ, ſi in hâc preparatione addantur $\bar{\text{z}}\text{ij}$. Affæ fœtidæ, tum hic fp. ſuccinatus fœtidus audit, qui naribus Hyſtericarum admotus juvat, vel in aqua fontanâ internè exhibitus non nocet ; ex fale Tartari, & fale Armoniaco mixtis obtinetur per deſtillationem fp. ſubtiliſſimus, & Albiſſimum fal volatile in magnâ copiâ, quod cum oleo Aromatico commiſtum in vaſe idoneo confortat fp. animales a ſolo odore ; ex capite mortuo fal extrahitur mediante aqua plu-
viali, lixiviano, filtrando, evaporando, exiccandoque, in morbis calculoſis non contemnendum medicamentum, corrigitur gummi gutta mediante fp. Vitriol ſupercohobando, adèò ut ſolum purget per inferiora, ſicut vidimus in *Galliâ* ; novi amicum hoc gummi corrigentem cum p. j Zinzib. ad p. iij hujus reſin. adèò ut ſpolietur ſua facultate emeticâ ; in *Angliâ* obſer-

observavi nobilem quendam ægroto servo hoc gummi administrantem, qui postea evomuit animal viperæ simillimum quoad omnes partes, præsertim caput.

Opium sic tracto, ʒ. opii Thebaic. ʒiv. dissolve in fortissimo lixivio Calc. viv. *De Laudano.* filtra, & in extractum redige, ter repetè dissolvendo, & leni calore in extractum redigendo, ultimo adde ad extractum hoc, Croc. ʒj. Cochinell. ʒss. Nuc. Moschat. ʒij. exactè misceantur, dos. gr. i. ad ijss. est egregium antifebrile in ardentibus febribus, Archeum furiosum pacificans, sudorem, & urinam movens. ʒ. Tinctur. sal. Tartar. a nobis in hoc libello descriptæ ʒxij. Opii Thebaic. ʒj. Macis, & Croc. an ʒj. digerantur, & filtrentur pro usu, hoc non inferius est aliis Laudanis vulgariter descriptis.

Elixir proprietatis conficitur ex Aloe, Myrrhâ, Croco, in sp. vini justa proportionè dissolvendo, & in Elixir redigendo, secundum mentem *Paracelsi*; alii primò digerunt hanc massam cum sp. sulphur. vel vitriol. postea cum f. q. Alcohol vini elixir conficiunt, aliqui addunt menstruo vinoso sp. C. C. sal. Armoniac. ut in *Galliâ & Angliâ* ob-

servavi, in *Germaniâ* addunt Mastich. & sarcocoll. &c. sed optimè paratur, secundum *Paracelsum*, si operator norit verum modum dissolvendi myrrham, in quo totius rei Cardo vertitur, nam ab experienciâ instructus affirmo, ne granum myrrhæ a communi operandi modo verè dissolvi, nisi prius præparetur, & hæc sit una ratio, quare vulgaria Elixiria non producant tanta miracula, quanta expectari debentur. 4. Ergo Myrrhæ ℥ij. sal. Tartar. ℥iiss. pulverisent. & in mortar. siccato optimè misceantur, & in sacculo suspendantur in loco humido, donec myrrha in mollem massam mutetur, & magna pars salis Tartari per deliquium a massâ effluat, super hanc myrrham præparatam infundatur Alcool vini, & tinctura rubicundissima obtinebitur, quâ Evaporandâ in Elixir redigo, quod commixtum, & digestum leniter cum tincturis Aloes, & Croci, evadit Elixir optimum & perfectissimum, ventriculum, & viscera omnia purificans, corroboransque, vulneribus, & ulceribus apprime utile;

Ebur, Cornu Cervi, & Cantharides destillantur in retortâ cum magnò reci-

recipiente, & extrahuntur eorum spiritus, olea, & sal volatile, quæ omnia debito modo rectificata, & segregata, conservantur ad usum, eorum spiritus deflegmati & segregati per Alcohol vini coagulantur; observatur Cantharides abundare majori copia salis volatilis, quam omnia alia, quarum oleum spatio temporis, additisque corrigentibus, est præstantissimum ad curandos Paralyticos unctos exterius, sicut affirmat Physicus fide dignus; latet succus corrosivus, & vesicatorius in illorum intestinis, præparatus in glandulis circumjacentibus, ergo pedes sunt magis idonei destillationi, & sunt Antidota contra venenum ventris, abundant enim maximè sale volatili, quod infringit acidum succum; ergo cum externè applicantur pro vesicando, soli ventres in usum trahantur, sin internè dantur, tum pedes simul exhibeantur, sed tutius per se sine ventribus propinentur;

*quedam
de anima-
libus.*

*Canthari-
des.*

Colligantur viperæ secundum Antiquorum leges, occisæ, decoriatæ, & exiccataæ, per retortam vitream destillantur, cui orificium sit satis amplum, adaptetur recipiens, & ignis tractetur

De viperâ.

secundum artis regulas, cum sp. & oleo ascendit sal volatile, recipienti adhærens, sed non in figurâ viperarum, nisi imaginationi, & phantasie indulgemus; dividantur hæc tria facillimè in cucurbitâ altitudinis unius cubiti, secundum artem leniter sublimando; primò sal Albissimus cum parvâ spiritus quantitate ascendit; refrigeratis vasis sal colligatur, & procedendo S. A. Spiritus purus separetur; observavimus quosdam in *Gallia* non solum hunc sallem, sed etiam alios ejusdem naturæ, separare à suis spiritibus, mediante matratio alti, & longi Colli, cum suo Capitello, quam methodum plurimi applaudunt quia nova est, & pomposa; sed seriò de hac re meditavi, diu, multumq; cogitavi, sæpiusq; experimenta feci, & tandem conclusi hanc methodum esse incongruam rationi, & experimento, quia ut sal ascendat ad capitellum, opus est violentiori igne, quam natura istius salis patitur, undè per juncturas in auras impellitur, & nimia aciditate ignis alteratur; Veneti solent fumigare exiccatam carnem viperinam cum Aromatibus in aquis odoriferis decoctis, postea exiccare, & pulverizare, alii tantum carnem,

nem, ossaque siccata, in pulvere conservant, & tam Opiatis, quam Bezoardicis commiscent pro re natâ; ego aliquando tincturam viperinam iisdem casibus appropriatam sic confeci, 4. serpentar. virginian. rad. contrayer. an. 3j. Carnis viperin. siccata. & pulverisat. 3vj. tincturæ nostræ salis Tartari, in hoc opusculo descriptæ, 3xxxij. digerantur lege artis. Dos. 40. ad 60. gut. in vehiculo idoneo, in morbis febrilibus, convulsivis, morsibus animalium, omnibusque venenis, tam narcoticis, quam corrosivis; benè philosophârunt antiqui collocando venenum viperinum in succo flavo, vesiculis contento, gingivis adhærente, & tempore summæ irritationis ejaculato, quæ irritatio necessaria est ad commovendum & exaltandum fermentum veneficum succi, at D. Charas nova quædam dogmata venditat, attribuendo facultatem veneficam viperæ irritatis spiritibus per ideam vindicativis, impressam in imaginatione animalis, & sic succum glandulosum rejicit à multis experimentis; at sagacissimus D. Redi eadem experimenta repetendo, antiquas opiniones confirmavit, & fermentum veneficum succo

succo flavo restauravit, confiteor me
 Anno 1671. *Parmæ* sæpius vidisse
 empiricum quendam sine noxâ hunc
 succum viperinum devorantem, eun-
 demque succum innoxie intrudi in vul-
 nera animalium, sicut D. *Cbaras* inve-
 nit, at sæpè alibi observavi contrarios
 effectus hujus liquoris viperini, nam
 vidi illum esse lethalem, & mortiferum
 (licet è viperâ exemptum) animalibus,
 ut D. *Redi* etiam observavit; contra-
 ria hæc phænomena non proveniunt à
 diversitate Climatum, aut à variis na-
 turis viperarum *Languedocensium*, &
Florentinarum, nam unum eundemque
 effectum reperi ab hoc succo flavo in
Galliâ, Italiâ & Hispaniâ, viz. quòd in-
 terdum necabat, interdum non necabat
 in omnibus illis regionibus, prout citius,
 vel tardius propinaretur, aut vulneribus
 applicaretur; recens, & tepidus succus
 viperâ irritatâ exemptus, semper necabat
 animalia, modò dexterrimè, & celerrimè
 applicaretur, antequam amiserat
 suum gas, & fermentum veneficum, at
 non tam citò convulsiones inducebat,
 ac si ab ipsâ viperâ iratâ ejaculatus
 fuisset; idem succus tardius exhibitus
 non exerceat suam rabiem veneficam,
 quæ

quæ admodum subtile fermentum est, ideoque citò dissipatur, nisi continuò erigitur, aut renovatur ebullitione ipsius viperæ; D. igitur *Charas* erat nimis lentus, & tardus in faciendis suis experimentis, & opus habuit mirandâ illâ celeritate, & acumine, quæ D. *Redi*, instar dexterrimi Philosophi, exercuit in suis experimentis; ergò non mirum est D. *Charas* invenire, & nominare hunc succum viperinum crassum, & viscosum, quia certissimè despoliatus erat suo æthereo fermento ob nimiam suam pigritiam, succus enim hic flavus in suo vitali, & naturali, h. e. venefico statu, est subtilior, & rarior.

Quod remanet à cornu Cervi post destillationem calcinatur in vase aperto, & pluribus inservit; calcinatur etiam cornu Cervi per fumigationem, talis est sententia *Zwelferi*, & appellatur cornu Cervi calcinatum philosophicè: Ego autem, ut curiosius sit, calcino hoc modo: accipiaturn dolium cum tegumento, & intus ponatur Calx viva, postea integrum cornu Cervi, & iterum Calx viva, addatur aqua S. Q. cooperiatur tegumentum, quod habeat foramen, & relinquatur usque dum fri-

frigeſiat : per elixationem habetur color rubeus, à cornu Cervi remanente poſt deſtillationem cryſtallus habetur diaphana, & longè differens à quocunque Alkali fixo.

De Cranio.

Deſtillantur è Cranio humano ſp. ſal volatile, & oleum, eodem modo ac è viperâ, quæ ſimiliter etiam ſeparantur; hic ſp. ſal volatile, & oleum exactâ arte unita, digeſta, & ſæpiùs deſtillata lento calore, evadunt ſp. roſeus, & arterioſus, in re medicâ non vituperandus, præſertim ſi deſtilletur cum floribus Aromaticis; aliquando ſequentem tincturam præparo, ʒ. ſp. Cranii human. ſale ſuo imprægnati ʒxiij. flor. lilii convall. ʒiſſ. flor. Roriſmarin. ʒiij. Salviæ, Tiliæ an, ʒij. digero, filtro, & ad uſum ſervo; eſt medicamentum non infimi ſubſellii in morbis convulſivis, & cephalicis. Ebur, quod remanet poſt deſtillationem, inſervit pictoribus.

De Urina.

Spiritus, & Alkali volatile urinæ obtinentur per fermentationem 40 dierum, mediante Sole, aut loco calido, & per deſtillationem in cucurbitâ; Ego autem *Parifis* inveni Methodum faciliorem ſine fermentatione diurnâ, & ſolâ additione calcis vivæ, ſubliman-

do

do in cucurbitâ, & consistit in quadam proportionem, aliter frustra. Ex capite mortuo fermentatæ urinæ Phosphorus destillatur, pro quo, lector, consule egregia scripta magni *Boylæi*, qui de hac re, sicut de aliis, nervosè philosophatur; evaporando recentem urinam, ultimò sal volatile prodit, sed sæculentum, & nauseosum, at augendo ignem ad magnum gradum, sal fixum albißimum obtinetur, quod mediante spiritu urinæ, & Alcohol vini (ut antea notavimus de tincturâ salis Tartari) rubicundissimam tincturam præbet, tam in re medicâ, quam metallicâ maximè necessariam; aut ex coagulo sp. urinæ, & vini, destillato, præparetur efficacius menstruum pro prædictâ tinctura. Sanguis humanus rite collectus addito An. Alcohol vini, fermentando reddit spiritum gratissimi odoris, qui linguam ferit, & pungit. Est Antispasmodicum egregium, dos. à xv. ad xx. gut. in vehiculo Idoneo.

Doctor *Victorius Algarot*, nemini *Alia quædam de Mineralibus.*
inter Physicos secundus, & totius Medicinæ decus, & honor, Author fuit illius pulveris, qui meritò nostro ævo Mercurius vitæ appellatur; si tamen malè

*De Anti-
monio.*

malè præpararetur potius Mercurius Mortis appellandus foret ; constat ex an. sublimati corrosivi, & Antimonii, in retortâ vitreâ destillati in recipienti semipieno aquâ, in fundo albissimus, & instar nivis pulvis invenietur ; separata autem aqua à butyro Antimonii, destillatur iterum in retortâ, usque dum acida deveniat, & cum acescit, tollatur ignis, quod remanet in vitro spiritus Vitrioli Philosophicus vocatur ; Plurimi putant, quod si intrò Auri Lamina infundatur, quod extrahet dicta aqua colorem flavum ab Auro, cum Lamina, quæ in fundo est, remaneat alba, & ab aliquibus Luna fixa appellatur ; Meo quidem iudicio color flavus provenit ex aliqua parte Auri in menstruo dissoluto, & albedo in Lamina à Mercurio in Menstruo contento : hoc facillimè experitur. Attamen ut hic Mercurius sit Medicamentum magis commodum & benignum, & minus periculosum, corrigitur ponendo dicto Mercurio supra Laminam ferream, & leviter spatula ferrea removendo, lento calore, (cave tamen à vaporibus:) usque dum cessent, & hoc modo uti illo quisq; potest tutè ; alio modo tutissimè corrigitur

gitur digerendo, & postea comburendo cum optimo Alcohol vini ter quaterque; repetendo. Quod sublimari invenies in collo retortæ causa magni ignis, Cinnabaris Antimonii vocatur, quod ut purius evadat in pulverem redactum in retorta ponatur cum magno igne, ut pars impurior, & magis fuliginosa separetur, & in fundo cinnabaris pura in unum reducta invenitur, constans ex sulphure Antimonii, & Mercurio, contra sententiam aliquorum, qui dicunt; R. Cinnabaris Antimonii bis, aut ter sublimati, cum non sublimetur nisi una vice; fit etiam Cinnabaris Antimonii cum sulphure Antimonii, & Mercurio, quod sulphur obtinetur mediante oleo Vitrioli ita communiter nuncupato, rectè miscendo, & sublimando; mediante aq. fort. etiam conficiatur sulphur Antimonii, sed dubitetur, an sit purum, & genuinum, nam in sublimatione hujus sulphuris particulæ vitriolicæ, & nitrosæ cum Antimonio incorporatæ simul ascendant. Fit etiam eodem modo Cinnabaris officinalis cum sulphure communi, & Mercurio. Vidi Sivilæ Aurifabrum, qui à doloribus Morbi Gallici liberari non poterat, rectè cura-

curatum fumigatione facta in usitato hypocausto per tres, aut quatuor dies dicto Cinnabaris officinalis, (cavendum verò est ne vapores exterius caput offendant.) Coquitur cinnabaris mineralis redacta in tenuissimum pulverem in aqua pluviali per horam, & turbida dicta aqua, & à partibus crassioribus decantata, relinquenda est usque dum clarescat, & toties repetenda est coctio donec non amplius turbida deveniat aqua & separanda est postea à pulvere subtilissimo, qui exsiccatus existimatur magnus Antepilepticus. Si viride æs, & sal ammoniacum una sublimentur per Alcohol vini viridis obtinebitur tinctura, quæ multum confert Epilepsiæ Puero- rum, nihil tamen efficacius invenitur, quam aurum meum medicinale, acceptum pondere unius grani per xxx. aut xl. dies in vehiculo convenienti, sanat infallibiliter. Nitrum, & Antimonium in pulverem redacta, addito carbone igneo evadunt in hepar Antimonii, ita ratione coloris vocatum, & est magnum emeticum, quod in pulverem redactum, & in vino forti infusum. S. A. fit vinum emeticum, addito saccharo syrupus emeticus; cum unc. j. dicti

dicti hepatis, unc. S. Cinnamomi, lib. III.
aquæ cardui benedicti, facta digestio-
ne, aqua benedicta Rulandi provenit.
Dubitant nonnulli de unione particu-
larum Hepatis Antimonii cum vino,
quia post infusionem non diminuitur
pondus Croci, observatione edoctus
affirmo, quanto vinum calidius, aut
spirituosius est, tanto magis imprægna-
tur, & augetur vis Emetica, quoniam
unitur cum majori copiâ particularum
Antimonii, idem succedit in vitro, &
Regulo; ratio, quare pondus Antimo-
nii non apparet diminutum, sit fortassè
hæc, viz. quia corpuscula Tartarea vi-
ni se insinuent in corpus Antimonii, &
gravitatem ejus deperditam renovent.
Diversimodè fiunt reguli Antimonii.
Primo ex nitro, tartaro, & Antimonio,
secundo ex nitro, & carbonibus, ter-
tio ex Tartaro, & Marte, quarto so-
lo Tartaro, & Antimonio per detoni-
zationem. Ex nitro, Tartaro, sa-
le communi & Antimonio, Regulus
quidam conficitur, è cujus separatâ
scoriâ, & dissolutâ in fortissimo lixivio
Calcis viv. sæpè agitando, nobilissi-
mum sulphur Antimonii acquiratur

E

mis-

miscendo quoddam mihi familiare cum lixivio, qui levis pulvis Antimoniatus est odoris gratissimi, & saporis non ingrati, febres ardentes unicâ dosi, viz. ℞j, sæpissimè profligans, sudorem, urinamque movendo, Archæum furiosum pacificando; prætereà in doloribus *Gallicis* est summè proficuum. Ex nitro, & Antimonio modo usitato diaphoreticum obtinetur, cui nulla alia meo iudicio tribuenda est virtus, quam illa, quam possedit Bolus *Anglicanus*; loquor de albo, cum quo conficiuntur fistulæ ad fumigandum Tabacum, quod rectè noverat quidam Medicus Anglicanus, nam eo lucratus est duo millia Librarum Anglicanarum. Si suprà liquorem glaciale Antimonij infundatur spiritus Nitri paulatim (fuge vapores) destillando, & iterum spiritu Nitri cohobando, denique per unam horam pulvis reverberetur, Bezoardicum Minerale proveniet, licet à paucis rectè præparatum, ut Medici experiuntur, cum additione Solis in Bezoardicum solare evadit, Lunæ in lunare, Martis in martiale, Jovis in joviale. Calcinatur Antimonium usque dum

dum cœrulea flamma amplius non appareat S. A. tum solâ fusione in vitrum rubeum evadit, quod Nitro correctum, medicamentum est tutissimum, & purgat per inferiora. Calcinatur etiam radiis solaribus, mediante vitro ustorio, pondere tamen non diminuto, sicut communis fert sententia, licet continuè effluvia emittit; at pagedicam horum Chymicorum, Antimonium hoc modo calcinatum reverâ amittere aliquid sui ponderis, ejusque gravitatem ab hac operatione diminui.

Vitrificatur Saturnus mediante tribus crucibulis sola fusione, ut rectè Philochymici noverunt, & facillimè convertetur in lithargyrium cum aliquo etiam lucro, sed quia insalubris est, â paucis conficitur. Calcinatus Saturnus per acetum in bonam cerusam evadit, cujus virtus laudabilior aliquando mihi videtur, quam sacchari, aut Canitici Saturni, ut uno ore expertiores Galliarum Chirurghi dicunt, eorumque rationes difficiles intellectu non sunt.

De Saturno.

Mercurius revivificatus beneficio Alcalium, est purior & commodior in quolibet usu, per assiduam destillationem,

De Mercurio.

nem, & cohobationem absque ulla additione in pulverem rubicundissimum evadet, urinam, & sudorem sine ulla alteratione promovet. Hic Mercurius in aquam limpida, & ponderosam (mercurialem dictam) commutatur beneficio retortæ calidissimæ in summitate (ubi Mercurius ingerendus) foraminatæ; septem, octôve receptaculis junctæ, at non lutatæ; Mercurius gradatim infusus per foramen idoneum in retortam calidam edit strepitum, & partim evadit aqua limpida, & gravis in receptaculis; si aliquid Mercurii cum illâ commixtum reperiatur, segregetur ab aquâ suâ, quæ nihil aliud est quàm ipse Mercurius rarefactus, variè modificatus, & novis qualitatibus vestitus mediante igne, & instrumentis. Dissolutus in aqua forti præcipitando, & edulcorando, præcipitatum album dicitur, si tamen reverberetur usque dum revertatur in pulverem rubrum, præcipitatum rubrum appellatur. Quidam venetus in *Hollandiâ* habet novam methodum conficiendi hoc præcipitatum admodum rubrum, & rutilans, additione sulphuris, non inferius communi.

muni. Dissoluto dicto Mercurio oleo
 sulphuris communis destillato, coh-
 bato & ultimo addito igne vehe-
 mentiori, pulvis invenietur in retortâ
 albus, qui per aquam lotus fit flavus,
 & turbith Mineral. vocatur. Mercur-
 rius dulcis componitur è sublimato
 corrosivo saturato cum S. Q. Mercur.
 crud. & ter sublimato; non possum hic
 præterire fanaticum revelatorem Ar-
 canorum *Lazari Riverii*, qui in præ-
 paratione Calomelan. sicut in aliis, di-
 gnissimum *Riverium* in Asinum, aut
 vitulum transmutavit, nam decies aut
 circiter hunc Mercurium sublimat, ad-
 dendo unaquâq; vice salem communem,
 quasi edulcoratio, & acuminatio, eodem
 tempore in unam idemq; Corpus indu-
 rantur. Meus viridis Mercurius præcipi-
 tatus brevi momento conficitur, & Go-
 norrheam infallibiliter, & radicaliter
 cūrat; non intelligo illum, de quo a-
 lii Authores mentionem fecerunt, sed
 tantum de eo, quem tanquam maxi-
 mum arcanum conservo. Pilulas cum
 hoc meo Mercurio viridi etiam confi-
 cio simul cum resin. Guaiac. & Pñ. ag-
 gregativ. ad pondus omnium 5j. in mor-
 bo Gallico maximarum virium.

De Marte.

Relictis omnibus modis, ab aliis Authoribus dictis circa crocum Martis, dicam tantum duos, astringentem unum, aperientem alterum; primum præparo accipiendo laminam ferri unctam oleo Caryophyllorum destillato, & ponendo dictam laminam in cellâ vinariâ supra discum vitreum, usque dum Crocus appareat, qui ritè collectus conservatur ad usum, & repetitur ad libitum; alter conficitur mediante spiritu salis Armoniaci, & facillimè obrinetur. Hic non in propriè animadverto, ipsum ferrum esse maxime idoneum ad præparandum Crocum astringentem, Chalybem verò aperientem, hic enim vulgò componitur mediante stratificatione cum unguis, cornubus, aliisque ossibus animalium, salibus volatilibus, & aperitiva facultate donatis, undè Chalybs magis imprægnatur cum virtute Alcalicâ, obstructions melius referante, quam vulgaris Mars. Limaturâ Martis in Crucibulo detentâ magno igne donec candescat, & urinâ recenti extinctâ, postea per retortam destillatâ per 24 horas, spissa, & rubra prodit, cum quo Luna tingatur aureo colore

colore. Si ex Martis limaturæ, & salis Armoniac. an. sublimatum confeceris, flores salis Armoniaci Martiati nuncupantur; caput mortuum in vasis fundo repertum, si per deliquium in liquorem convertatur, evadit medicamentum nobilissimum, purgans per inferiora, & superiora sine ullo ægro-
tantis incommodo; dos. a gut xv. ad xxv. in vehiculo idoneo; flores prædicti, præter vires illis ab aliis attributas, ut nobis constat ab experienciâ, sunt in Hæmorrhagiâ narium Medicamentum tutissimum, si sumantur in formâ sternutatorii; si hæc sublimatio cum triplici salis Armoniaci quantitate conficiatur, igne tam diu continuato, usque dum tota massa ele-
vetur, tum sublimatum non est omnino Emeticum, quia per longum ignem, & continuatam sublimationem particulæ illæ ventriculum irritantes, in auras avolarunt, nam operando observavimus Chartam in tempore sublimationis defendentem materiam a sordibus, aeri expositam viridescere, & nauseabundè sapere, tam colore, quam sapore sublimato admodum dissimi-

lem; ex dictis floribus tincturam flavam obtineo ope benigni menstrui sub titulo tincturæ Martis aureæ, in cruditate ventriculi, Hydrope, & omnibus obstructionibus valet, & est generale totius Archei fermentum; sed quia hæc compositio tam mystica fuit mihi revelata ab Amico, non hic profanabo; tandem notandum est, limaturam Martis a sordibus suis per magnetem rectè depurari. Ex Marte, & Tartaro cum sufficiente Q. Vini cocti in vase ferreo, spatulâ ferreâ agitando, tinctura habetur, quæ filtrata per chartam emporeticam, per se, aut in syrupum conservatur. Vinum Martiale etiam conficitur ponendo Vini fortis S. Q. in magno recipienti, in quod immergitur Limatura Martis candescens, & cooperto vase, relinquitur usque dum frigeat, postea extracta limatura, quater repetatur. Conficiuntur vina medicata tam simplicia, quam composita unica infusione, licet plurimi volunt, quod sint Medicamenta una cum Musto fermentata in Autumno, credo nihilominus parvam, aut nullam habere virtutem.

In

In *Normandia*, in qua *Uvæ* sunt raræ, solent illas veneno linere, ne à bel-luis devorentur, aliqui etiam *Aloe* dissoluta in aquâ ungunt, & alii *Colochintide*, vinum autem à dictis *Uvis* extractum non est ullo modo purgati-vum, ergò falsum est ab infusione sim-plicium in musto, posse extrahi vina, quæ habeant aliquam virtutem.

Cuprum facillimè in crystallum cœ- *De Cupro.*
ruleum commutatur, & in viride me-diante aceto destillato, à quibus pul-vis quidam colore lithargyrii extrahi-tur, mirabilissimæ equidem virtutis, & quoddam oleum antipodagricum. Vidi dealbatum Cuprum nihil pror-sus ab argento differens nisi quod in Cupellâ non resisteret. Idem cuprum imprægnatur aureo colore, qui diu permanebit, & omnes probas, præter cupellam sustinebit; quod fit sequen-ti modo. ʒ. Cupri lib. j. funde in crucibulo, insperge gradatim sulphur. pulveris. lib. j. usque dum totum defla-graverit, postea cuprum in laminas redige, hoc facto sume auripigmen-tum, q. v. funde, & in aceto extin-gue,

gue, quod repetendum per 24 vices
tum sequens stratificatio construatur
in crucibulo, S. A. primò cum farinâ
fabarum, tum cum Nitro & Tartaro,
posticâ auripigmentum sit superstratum,
tum cuprum ipsum, & iterum
auripigmentum, Nitrum & Tartarum,
farina fabarum, ultimò nitrum, &
Tartarum, qui ordo observandus est
per totam stratificationem, donec totum
crucibulum impleatur; ultimò
huic crucibulo superimponatur aliud,
cui est foramen in summitate; S. A.
fiat ignis cæmentationis, donec nec
flamma, nec vapor ullus apparet; ultimò
detur ignis fusionis per horam,
frigefactum cuprum separetur à pul-
veribus, & novo crucibulo fundatur,
separatis scoriis obtinetur cuprum su-
prâ dictum aureum, quod in folia ele-
gantia, & diuturna à Malleatore exten-
datur. Ex cupro conficio liquamen
sine igne, menstruo, aut alio Hetero-
geneo, ex quo meus ignis Veneris præ-
paratur, ab Helmontio tantoperè cele-
bratus, & usque ad cœlum evectus;
à nullo nisi artis filio, & vero Philo-
sopho, comprehendi potest; ex hoc
li-

liquamine cupri egregium opiatum
conficio, rei pharmaceuticæ summè
proficuum: Sed nolo, benevole Lector,
negotia tua ulterius interpellare, parce,
precor, hisce nugis sat brevibus; fumus
omnes pulvis, umbra, nihil.

De

De Furnis , & Vasis.

T A B. I.

Fig. I. **H** Oc Schema exhibet
pavimentum furni ,
quod in maiorem vel minorem
extenditur amplitudinem pro
operis ratione , confiteor ta-
men hoc pavimentum non esse
semper necessarium præsertim
in Furnis fusoriis, ubi particu-
læ aëreæ è terrâ vi ignis co-
piosè extractæ plùs impellunt
quàm maximi folles.

Fig. II. III. Dispono lateres in
tres modos, qui vicem crati-
culæ ad ignem sustinendum &
cineres demittendos præstant :
infimus ordo consistit è tribus
lateribus vel 4. pro amplitudine
furni




Fig. 4.





Fig. 5.



4.




Fig. 2.



Fig. 3.




Fig. 1. TAB. I.






Fig. 6.





furni dentatim juncti, & hunc nomino craticulam simplicem, ut in a b c. Duplex exstruitur 3 vel 4 lateribus transversis & est craticula duplex, d e f. Craticula triplex exstruitur aliis tribus lateribus h i k, super quos cubus latericius gallicè *culot* est imponendus pro crucibulis, g. in Fig II. & hæc craticula debet esse simplex, duplex, aut triplex pro altitudine furni & gradûs ignis, ignis enim in triplice craticulâ est violentior quàm in duplice, in duplice quàm in simplice, & quicquid possunt anemiæ, efficitur his craticulis sine follibus.

Notandum est, quod medius later infimi ordinis debet esse paululum depressior lateribus à dextrâ & sinistrâ quo facilius subducatur ad cineres eximendos.
litt.

litt. l. cæteris ad amussim politis, *Fig.*
ut videri est in frontispiciis.

Fig. IV. Hoc Schema exhibet
Furnum fusorium, apertum,
perfectè duplicem, voco per-
fectè duplicem à duplici crati-
culâ & pariete.

- a Duo parietes, ut in Fig. V.
- b Paries posticus, ut in Fig. V.
- c Duplex craticula, ut in Fig. II.
- d Cubus gallicè *calet* pro cruci-
bulis.
- e Lateres ad Furni cameratio-
nem.
- f Pavimentum ut in Fig. V. cum
arenâ vel cineribus in fissuris
ad ignem præcavendum, cum
tali basi operatio qualiscunq; in
quocunq; loco etiam super tabu-
latum sine ullo periculo institui
possit, præsertim si furnus cras-
siorem habeat basin ut in Fig.
VI.

Fig.

Fig. V. Hic Furnus consistit è duplici pariete sed simplice craticulâ.

- a Duo parietes ut in Fig. IV.
- b Paries anticus eodem modo quo paries posticus in Fig. IV. exstructus.
- c Duo lateres dentatim collocati ad suffulciendum parietem b. quorum dispositio facit interstitium cineribus & aëris ventilationi inserviens.
- d Cinerarium sub craticulâ, & simul viam aeri præbet & recrementum foci.
- e Lateres ad furni camerationem.
- f Flamma egrediens.
- g Pavimentum ad ignem præcavendum in locis minùs accommodatis.

Fig. VI. a Pavimentum.

b Parietes.

c Duo lateres cinerarii.


d Cinerarium.

e Pa-

- e Paries intra cinerarium & focum.
- f Duo lateres foci.
- g Ostium foci quatuor vel quinque pollices altius craticulâ.
- h Lateres intus prominentes ad retortas sustinendas.
- i Lateres qui ignem coercent.
- k Flamma per fissuras violenter egrediens.
- l Collum retortæ.

Ex innumeris Furnis in Chymicorum Laboratoriis reperendis, adjectis & iis similibus, in omnibus meis experimentis tantum utor; & quamvis multi sunt, qui nominantur ab usu, ut Reverberatorium, Calcinatorium, &c, & cuilibet suus est usus primarius, ingeniosus tamen artifex potest esse paucis contentus; quandoquidem singula experimenta formas non adeo differentes requirunt, & quæ uni, alteri
ex-

.
;
l
r
.
-
l
-
i
t
.
-
-
-
;
-
-
i
-



TAB. II.

Fig. 6.




Fig.




Fig. 4.




Fig. 5.






Fig. 1.




Fig. 2.



Fig. 3.





experimento inservire possit. Specimen adjeci meorum, qui possunt esse usui industrio artificii in aliis excogitandis, mutatis mutandis pro operis ratione, loco, tempore & aliis circumstantiis, & spero me Chymico Orbi profuturum dum viam sterno ad meliores, extemporaneos, & minimi sumptus.

TAB. II.

Fig. I. **T**Res Galeæ, gallicè *calot*, pro magnitudine retortarum è ferro vel terrâ ad retortas muniendas.

Fig. II. Retorta galeata.

Fig. III. Instrumentum ad operationes plurimas citiùs determinandum.

a Vas terreum cum duobus collis
F lis

lis amplissimis quo faciliores exitus spiritus habeant.

b b Colla receptaculorum vasi lutata.

c c Duo receptacula vitrea quàm ampla ad magnam copiam vaporum condensandam.

Fig. IV. Instrumentum præcedenti simile pro Subjectis minùs destillabilibus, destillatio enim in hoc plano citiùs finitur quam in præcedente ubi materia coacervatur.

a Vas terreum è terra Germanica.

b b Colla pro receptaculis.

c c Receptacula vitrea.

Fig. V. Hoc instrumentum voco balneum descensorium, pro iis temporibus, & locis ubi sol minus lucet.

a Lebes Cuprea pro aquâ calidâ.

b Ampulla vitrea quæ capit materiam destillandam.

c Epi-

- c Epistomium ad aquam frigescentem emittendam.
- d Collum ampullæ per foramen lebetis recipienti commissum.
- e Recipiens.
- f Vas ligneum sale communi plenum pro refrigerio.
- g Funis ad sustentandum lebetem.

Fig. VI. Receptaculum ad separandum in primâ destillatione salia volatilia à suis spiritibus & oleis.

- a Collum recipientis quàm amplum quo facilius extrahatur sal volatile.
- b Venter recipientis cujus lateribus sal volatile adhæret.
- c Collum alteri receptaculo iutandum.
- d Recipiens in quo influit Spiritus cum oleo.

NB. *Salia volatilia à suis oleis mundantur & albifcantur cum*
Al-

Alcool vini, & sic in primâ destillatione erunt æquè pura, ac si resublimata fuerint.

TAB. III.

Exhibet delineationes instrumentorum à D. Troutbeckio inventorum.

Fig. I. **R** *Epræsentat D. Troutbeckii Furnum.*

Fig. II. *Vas circulatorium.*

Fig. III. *Vas destillatorium.*

Indi-




Fig. 1.






Fig. 3.




TAB. III.



Fig . 2 .





Indiculus Articulorum.

- C***Hymia Etymologia, Antiquitas, Objectum. pag. 1.*
Examinatio principiorum. 2.
De Vitriolo. 4.
De Nitro. 7.
De Sale communi. 10.
De Aceto. 13.
*De Sulphure, sp. vini, aliisq;
 spiritibus 14.*
Liquor odoriferus Jasmini 17.
*Willisianæ præparationes
 Sulph. & Martis. ibid.*
De Tartaro & Salibus Alcalibus. 18.

Tin-

Tinctura Corall. 24.

Tincturæ quædam minera-
les. *ibid.*

Tincturæ è variis Metallis
ibid.

Tinctura Antimonii. 25.

Tinctura Mercurii. *ibid.*

Tinctura Martis. 26.

Tinctura Solis. *ibid.*

Lunæ. *ibid.*

Quædam de vegetabilibus 27

De oleis vegetabilibus *ibid.*

De Nicotiana. 28.

De Spiritibus, & sal. volat.
Plantarum. 29.

De Fuligine. 30.

Sp. & Sales volatiles oleosi,
& Aromatici. 31.

De Succino. 33.

De Laudano. 37.

Elixir

Elixir proprietatis. 37.

Quædam de Animalibus. 39.

Cantharides. *ibid.*

De Viperâ. *ibid.*

De Cranio. 44.

De Urina. *ibid.*

Alia quædam de Minerali-
bus. 45.

De Antimonio. 46.

De Saturno. 51.

De Mercurio. *ibid.*

De Cupro. 57.

De Furnis, & Vasis. 60.

FINIS.
